

Protokoll

Styremøte 02-26 i Sogn KO

Tid: 7. april 2025 kl 09:00-15:00

Stad: Svingen, Campus Sogndal.

Faste medlemmar som møtte:

Siri Fahlvik Pettersen, Vik kommune, styreleiar

Steinar Sjøgaard, Aurland kommune

Jon Bolstad, Luster kommune

Gunn Lerøy, Lærdal kommune

Jarle Skartun, Sogndal kommune

Mette Hestetun Berg, Årdal kommune

Andre:

Torgeir Skålid, Karina Nerland og Yngve Hallén (sak 3, 7, 11), regionalt team

Marit Reppen, leiar for kommunalsjefnettverket helse og omsorg og Kjell-Wernik Nystøyl, samhandlingskoordinator (sak 5 om tilbod for elevar med utvida helse- og omsorgsbehov)

May Lene Steinheim Lunden, styreleiar Visit Sognefjord, og Geir Hansen, leiar i næringsnettverket (sak 11)

Sakliste

1. Opning v/styreleiar.....	2
2. Godkjenning av innkalling og sakliste	2
3. Orientering frå Sognarådet IPR	2
4. Orientering frå styreleiar.....	2
5. Orientering frå administrasjonen.....	2
6. Tilbakemelding frå vertskommunane	3
7. Etablering av rammer og spelereglar for eigarstyring av interkommunale samarbeid	3
8. PPT.....	4
9. Miljø og ureining	4
10. Nav.....	5
11. Reiseliv og støtte til Visit Sognefjord	5
12. Næringsutvikling.....	5
13. Sognaregionen og EU	6
14. Styreseminar og styremøte 1.– 2. juni	6

1. Opning v/styreleiar

Styreleiar Siri Fahlvik Pettersen opna møtet.

2. Godkjenning av innkalling og sakliste

Vedtak:

Styret godkjenner innkalling og sakliste.

3. Orientering frå Sognarådet IPR

Vedtak:

Styret tek orienteringa til vitande.

4. Orientering frå styreleiar

Handsaming:

Søknad studiepermisjon.

Vedtak:

Styreleiar og nestleiar følgjer opp saka.

5. Orientering frå administrasjonen

Vedtak:

Styret tek orienteringa til vitande.

Styret ber om slik oppfølging av desse sakene:

Veteranplanen: Administrasjonen hentar inn høyringsinnspela og lagar felles saksframlegg til den politiske handsaminga i kommunane.

Tilbod for elevar med utvida helse- og omsorgsbehov - trong for avklaring kring opphaldsprinsippet. Kommunsjefnettverket for helse og omsorg blir bedt om å beskrive dagens praksis, regelverket, alternativa og konsekvensane for kommunane.

6. Tilbakemelding frå vertskommunane

Handsaming:

Orientering frå kommunaldirektørane om status kring prosess og framdrift i samarbeid som er under etablering i Luster, Sogndal, Vik og Årdal.

Vedtak:

Styret tek orienteringane til vitande.

7. Etablering av rammer og spelereglar for eigarstyring av interkommunale samarbeid

Handsaming:

Vertskommunesamarbeid vart peika på som særskilt område og at samarbeidsform/type samarbeid kan vera eit kriterium.

Vedtak:

Styret i Sogn KO vedtek å starte eit arbeid for å utvikle eigarstyringa av dei interkommunale samarbeida i Sogn.

Vurdering om kva samarbeid og korleis ein føl opp skal baserast på følgjande kriterier:

- Omfang og innhald i tenesta
- Tal samarbeidande kommunar
- Alder på samarbeidet
- Økonomisk risiko

Det er føremålstenleg å dele samarbeida inn i 3-5 kategoriar, der td 1 er tett oppfølging og 5 er minimumsoppfølging.

Styret ønskjer at denne saka vert presentert for arbeidsutvalet i Sognarådet i neste møte slik at det vidare arbeidet er godt politisk forankra.

Til møtet over sommarferien ønskjer styret ei sak der samarbeida er kategorisert for oppfølging, samt utkast til:

- Felles spelereglar for interkommunale samarbeid
- Årshjul for eigardialog
- Oppfølgingsplan for eigarstyringa, inkludert eigarrepresentasjon, styringsdokument og bestillarroller.
- Plan for standardisert rapportering

8. PPT

Handsaming:

Styret ønskjer at ansvaret blir lagt til oppvekstnettverket slik at oppfølginga blir tydlegare.

Vedtak:

Styret tek rapporten til vitande og sluttar seg tilrådingane. Oppvekstnettverket må snarast starte arbeidet med likare tverrfagleg samhandling om laget rundt barnet i regionen og eit regionalt fagutviklingsprosjekt der målet er å sette retninga for framtidens PPT i Sogn.

Styret ber oppvekstnettverket følgje opp dei to vertskommunane for å oppdatere rammevilkår og styringslinjer slik at dei samsvarar med statlege og kommunale forventningar. Det skal etablerast eit formelt samarbeid om spesialkompetanse mellom PP-tenestene og ein skal frigjere meir kapasitet i PP-tenestene til dedikert arbeid med tidleg innsats.

Styret sitt mål er målretta og rask aktivitet inn mot alle tilrådingane. I styremøtet i juni ønskjer styret ein framdriftsplan for det vidare arbeidet.

9. Miljø og ureining

Handsaming:

Det bør opnast for at kommunar som ikkje er klare til å gå inn i heile samarbeidet frå etableringa kan inngå i delar av samarbeidet og med moglegheit for å knyte seg til heile samarbeidet seinare.

Vedtak:

Styret gjer slikt vedtak:

1. Sogn KO rår kommunane til å etablere vertskommunesamarbeid for miljø, ureining og tilsyn av private avløp.
2. Samarbeidsavtalen med vedlagde budsjettkalkyle blir lagt fram for politisk handsaming slik det ligg føre.
3. Kommunane kan handsama samarbeidsavtalen i løpet av våren 2026 eller knyte seg til heile eller delar av samarbeidet seinare, jf pkt 9 i avtalen.
4. Sogndal kommune vert vertskommune.
5. Verknadsdato for vertskommunesamarbeidet vert sett til 1.1.2027.
6. Kostnadsfordeling
 - 25% blir delt likt mellom deltakarkommunane.
 - 75% blir fordelt etter
 - talet på registrerte private avløp pr 1. juli for kostnader knytt til sakshandsaming og tilsyn av private avløp
 - tal innbyggjarar for kostnader knytt til dei andre miljø- og ureiningsoppgåvene
7. Sogn KO set av inntil kr 200 000 til prosjektet finansiert av kontigentmidlar Sogn KO.
8. Administrasjonen utarbeider forslag til saksframlegg som kommunane kan bruke til den politiske handsaminga.

10. Nav

Handsaming:

Samarbeidsavtalen kan gå til drøfting i kommunestyra i dei kommunane som ønskjer det.

Vedtak:

Sogn KO sin representant i styringsgruppa vert rådgjevar Karina Nerland, med tenesteutviklar Torgeir Skålid som vararepresentant.

Styret tilrår at samarbeidsavtalen går til drøfting i kommunestyra som ønskjer det, med påfølgande vedtak i neste møte.

Prosjektet disponerer inntil kr 500 000 av kontingentmidlar frå Sogn KO. I tillegg stiller kommunane og Nav-kontora med personalressursar.

11. Reiseliv og støtte til Visit Sognefjord

Handsaming:

Styreleiar i Visit Sognefjord, May Lene Steinheim Lunden, og leiar i næringsnettverket til Sogn KO, Geir Hansen, deltok i møtet. Dagleg leiar i Visit Sognefjord, Heidi Hauge, meldte forfall kort tid før møtet grunna deltaking på leiarutdanning.

Vedtak:

Styret tek dialogen i møtet til vitande og ber administrasjonen arbeide vidare med dei innspela som kom fram i samtalen. Styret ønskjer ei oppdatert sak med konkrete tilrådingar til vedtak i neste styremøte.

Saka bør få si endelege avklaring i samband med budsjettvedtak i kommunane i haust, og styret ber difor om at det vert etablert tidsplan som tek høgde for politisk forankring undervegs.

12. Næringsutvikling

Vedtak:

Styret ber administrasjonen halde fram arbeidet i tråd med rapporten Samordna utviklingskraft i Sogn.

13. Sognaregionen og EU

Vedtak:

Styret tek saka til vitande og ber administrasjonen jobbe vidare med dei skisserte tiltaka. For å oppnå noko gjennom slike samarbeid må kommunane og regionen jobbe langsiktig. Det er difor viktig at arbeidsutvalet stadfestar satsinga i juni-møtet. Som oppfølging ønskjer styret at det vert utvikla ei felles politisk sak til kommunane i haust om:

- Medlemsskap Vest-Norges Brusselkontor
- Strategisk inngang
- Kort handlingsplan for det komande året
- Arbeidsdeling kommunar-region

14. Styreseminar og styremøte 1.– 2. juni

Vedtak:

Styret gav innspel i møtet som administrasjonen tek med vidare.